

Der Ander

¶ Vñ wie die nachbenannten A. B. C. re. all. Drey des heiligen heimliche gericht acht recht freyschöpfen vertröste/ geloben vñ verspreche bey vnsern glübdē vñ ayde/ so wir de heilige/ freye/ gericht als freyschöpfen/ der heimliche acht gethan vñ geschworn habe/ gut pürge vñ behaffe zu sein/ das die obgenanten L. vñ L. auch d. vorige L. als richter/ vñ irn wegē/ den sachen wie obsteet/ getreulich vngewarlich/ vñ zu gepürliche zeiten nachkommen sollen als nach freye stüls recht ist/ Darauff ermanē vñ fordern wir an euch obgenant freygraue/ auch mit diesem brieff/ bey de pflichtē/ so ir vō eiuwers ampts vñ freye stüls wegē gethon habe/ den benannten clager daran zuweisen vñ selbs darob sein/ damit sein vñ eiuwer fürnemē vñ process abgestelt vñ füran vernuntt werde/ sinder die L. vñ L. als vnwissend person/ so an das ende/ für de freyen stül zu recht/ mit dingpflichtig/ noch in der freygrafschaft gefessen/ sonder on alles mittel/ irn vorgemeltē gerichtē herrē/ vñ wozzen sei/ dahyn zu weisen/ als ir auß pflichtē/ de heilige reich/ euch selbs vō ampts vñ des freyen stüls/ auch de L. vō seiner verclagten vnderthan wozzen/ in halt der freyheitē/ so wir gesehe habe/ auch gemainē rechtē/ vñ besunder d. obberürtē. Römischen vnd andn reformation/ zu thun schuldig sey. Wan wo ir sollichs nit therē/ über dis abfordern ermanē vñ vertröste in den sache/ fürter procediern vñ richte/ auch das alles verachtē. Mügt ir selbs versteen vñ wissen wohyn es ferrer langn/ sond für krafftlos vnpuendig vñ nichtig gehalten/ vñ das solch übertretten/ der freyheitē reformation vñ decretē/ beschlossner acht/ beschēhe mercklich straffen vñ peen vñ im tragen/ darin ir vñ der clager fallē vñ vor de capittel/ auch andn ende/ schwarzlich möchre fürgenōmē vñ verclagt werde/ dz vns nit lieb were/ vñ geren verbüeten wolte. ¶ Vñ des alles zu vnkundt/ haben wir re.

Wō widerrechten vñ gegenclagen.

vj. Spect. de recon/ nen. q. to. ti. bi. no.

Et de iust. peti. p. to. ii.

¶ Wa aber der beclagt/ der bemelten ynnreden nicht zu thund/ sinder einicherley Clag dar gegen her/ so mag er die selben. Es sey vor ordenlich en oder geschafften richter/ vor seiner antwort vnd versaltung des kriegs/ oder mit einer vorgeenden protestacion/ darnach fürwendē. Also das beid derteil clagen mit einander geendet. Wan die gegenclag zu latein genant Reconuentio/ im rechten der massen gefreyt/ das der clager schuldig ist/ auch darauff zu antworten/ bey verliesung seiner clag. Er betr dan ein solche clag gethan/ die im rechten fürtreffen. Als vmb gewaltige entfarung/ oder mercklich iniuri/ die eren berürend/ vnd ander der glych sachen/ so betr die gegen clag/ on des clagers bewilligen nit stat/ sonder die haupt clag des ersten vorgang. Es were dan die gegen clag auch vñ gewaltige entwerung.

Spe. de ius. peti. p.

Wō antworten vñ verfabug Rechtēs

¶ Nach de aber die ynnreden vñ excepcion geendet/ oder etwas gar vermischen/ so werden die partheyen zum rechtē versangen/ das mā zu latein heist litem contestierr. Also das der geladen vñnd beclagt/ schuldig ist/ die clag zu verantworten mit yessen oder laugnen/ das mag man in manigerley form/ nach gestalt vnd wesen der clag beschēhen/ oder mit vnderschied/ als ab der nachfolgenden form erlernt würdet.